

Alca

gond, a

145



K-VI-6

PIETAS
ERVDITA.

SEV

ORATIO


De perpetuo & indissolubili Pie-
tatis cum Eruditione, Eruditionis cum
Pietate nexu.

*In publicâ Studiorum Academicorum instauratione, ad
Aedes S. Annæ, aramq; D. Ioannis Cantii, S. Th. D. &
Prof. in Acad. Crac. Die 15. Cal. Nouẽ. 1638.*

AB
Illustri ac Generoso Dño. IOANNE ALBERTO
Paris, Studioso Rhet.

Habita sub auspiciis
M. JACOBI KVBITKOWICZ, PHIL. DOC.
Rhetoricæ Nouodworsciani Professoris.


CRAC: Typis Antonij Wośinski, A. 1638.


Gregorius in Libr: Moraliū.

Nulla est scientia, si vtilitatē pietatis non habet, & valde inutilis est Pietas, si scientia discretionē caret,

Lactantius lib: 3. cap: 30.

Omnis sapientia hominis, in hoc vno est, vt DEVM cognoscat & colat. Hoc nostrum dogma, hac summa est? Quanta itaq; voce possum testificor, denuncio, proclamo: Hoc est illud, quod omnes Philosophi in totā vitā suā quaesierunt, nec vnquam tamen inuestigare valuerunt, quia Religionem, aut prauam retinuerunt, aut totam penitus sustulerunt. Qui vult igitur sapiens esse, audiat DEI vocem, discat iusticiam. &c.


Perillu-

Perillustribus Generosis ac Magnanimis

Genere, Studio, desiderio nobi-
lissimarum virtutum, Maiorum suo-
rum hæredibus.

D. Adamo, Hieronymo à Gra-
now SIENIAWSKI, Supr. Regni
Vexilliferidæ.

D. Ioanni Potocki de Potok, Pa-
lat: Braclau. Capit. Came. Latic. Litin.

D. Ioanni Alberto Paris, de Pa-
riseuo, Castell. Cernenfi.

D. Christophoro Francisco Sa-
pieha de Maciciow, Succam: Vlodimir.

D. Martino Krasicki, Comiti in
Krasicin. Capit. Dolin. Vexill. Halc.

D. Adamo Drzewicki, de Drze:

D. Stanisl: Dablski, de Lubraniec.

D. Zbigneo Zelenski, de Zelona
ka, Pocillatoris Bracławien. Filio.

D. Alexandro de Załusk Załuski,
Filio Pincernæ Rauen. Vicecap. Opoc.

D. Georgio Marćinkowski, de
Marćinkowice, Filio Subdapif. Crac.

D. Adamo Tarnowski, de Tar-
now.

D. Christophoro Skotnicki, de
Bogoria.

D. Hieronymo Komornicki, de
Komorniki.

D. Ioanni Skarbek, de Domo
Habdanck.

D. Alberto Staniszewski.

D. Stephano Leduchowski, Iud.
Cremen. filio.

D. Andreae Tudorowski.

D. Ioanni Brzezinski.

O Rationē de piā eruditione, nuper linguā viuoꝝ ge-
stu, nunc rudi expressam calamo, Vobis Perillustres
ac Magnanimi Iuvenes tantō mentis affectu consacro, quā-
tō maiora sunt & candidiora secundum Parentes, Præce-
ptorum quā aliorum hominum vota ac desideria. Nimirū
non breuem, vel momentaneam, sed assiduam & perpetu-
am gemina istius virtutis, quā nulla maior & præstantior
in terris cogitari potest, cuperem esse memoriā atq; præ-
dicationem: apud eos præcipuē, qui propter illustria maio-
rum merita, summā prosapia excellentiam, sublimes & he-
roicas animi atq; corporis facultates ceteris sunt longē di-
gniores. Est namq; iustissimum, ut isti auctiora sibi ingenij
& virtutum conquirant monumenta: quorum præcullen-
ti pietate, insigni prudentiā, maturo consilio, salutarī pro-
uidētiā, non Respublica modo, ad cuius præsidij & ornamenti
crescunt amplissimum: sed etiā cōmunis Christianorū Pa-
rens Ecclesia, suas est aliquando aduersus iniquissimos im-
postores firmatura & promotura immunitates. Iam vero
nemo tutius & prudentius siue Rempubicā, siue Ecclesiam,
siue utrumq; simul, tueri ac promouere potest, nisi verus
pietatis & eruditionis alumnus. Accedit quod non publica
solum, sed etiam priuata, ex pietate atq; eruditione proma-
nent emolumenta: quæ cum ex ipsā oratione pateāt, euiden-
ter, à me fastidii vitandi causa facile amittitur. Ego in-
terea non tam officij necessitate (nullis enim ob singularem
Vestram indolem indigetis stimulis) quā affectu beneuolo

Et propensissimâ voluntate commotus, Vos Magna spei A-
 dolescentes, eâ quâ par est fide monitos esse volo, ut quâ pie-
 tatis, ingenii, magnanimitatis, aliarumq; virtutum lucem
 in palæstram Rhetorices intulistis, eandem atq; adeo maio-
 rem inde efferatis, Et dum per ætatem ac tempus licebit, in
 Rempub. laudabiliter conferatis. Te potissimû Perillustris
 ac Magnifice SIENIAWSKI, unicum SIENIA-
 VIORVM lumen Et columen, spes Reipub; nostræ certis-
 sima, inclytum, inclyti huius Athenæi Sarmatici ornamen-
 tum, eximium nostræ Palæstræ decus, meum vero singulare
 delictum intimè hortor Et obsecro, ut istâ bonæ indolis atq;
 corporis pulchritudine, quam à naturâ aut potius ab autore
 naturæ liberaliter hausisti, præluceas nobis diutissimè, iucun-
 dissimè, felicissimè. Non est quidē ut verū fatear, excelsæ
 indolis tuæ, aliarumq; singularium virtutū capax Palæstræ
 istius humilitas Et angustia: sed iuuenum florentissimorū
 ingenia sunt capacia: quæ sensim eas comprehendunt, com-
 prehensas laudabunt, laudatas toti orbi dicent Et enarra-
 bunt. Caterum quod maximum est propensionis meæ erga
 te argumentum, Deum Op: Max: omnium bonorum largi-
 torem Et moderatorem supplex exoro, ut longissimè viuas,
 vigeas, floreas. Ad Ecclesiæ Dei propugnaculū, Reipublicæ
 præsidium, Academiæ decus Et solatium, illustris familiæ
 incrementum, hostium terrorem, optatæ pacis firmamentū,
 utq; omnia quorum præclaro teneris desiderio, letus incō-
 lumis, gloriosus possideas ac tuearis.

Facultati, M. Iacobus Kubitkowicz, Phil: Doct: Rhet:
 Nov: Professor.

ORATIO.



VT conatus nostri & quotidianæ in studijs lucubrationes succedant feliciter, Magnifice & Admodum Reuerende Dñe Rector, Florentissimi & Nobilissimi Iuuenes, cæteriꝫ Audit. ornatissimi, qualibet commutatione nostrorum innouationem studiorum, precibus deuotissimis, & solennibus ad tremenda altaria sacrificijs, ceu firmissimis scientiarum præsidijs confirmamus. Indignum quippe ne dicam impium esset, in sacratam Palladis domum, in superiores Musarum ædes, in domicilium scientiarum temerè ingredi; eius ope & auxilio non implorato, qui est autor omnis sapientiæ ac eruditionis. Præsertim eum tantum quisq; nostrum in scientijs comparandis experiatur facilitatis, quantum in discen-

discendo adhibuerit pietatis: tantum solidæ acquirat doctrinæ, quantum diuinæ præstô habuerit benedictionis. Nam in tantâ ingeniorum nostrorum imbecillitate, voluntatum varietate, scientiarum difficultate, vix quispiam mortalium, immò ne vix quidem, proprijs viribus veram compararet eruditionem, nisi Spiritus ille diuinissimus, Sciētiarum largitor optimus, communibus ijsq; feruentissimis placatus votis, cælitus humanas mentes illuminaret, confirmaret sensus, scientias illustraret. Hæret enim vt pote altè impressa caligo quædam ignorantiæ & obliuionis in mētibus nostris, profectumq; nostrum tantò potentius remoratur, quantò diutius in nobis commoratur. Hanc vero præter supremam illam splendidissimam ac purissimam mentem, quæ suauiter sed ignotâ serie disponit ac moderatur vniuersa, nullus feruor, nulla indoles, nullatam felix contentio,

io, nullus infuper rectæ institutionis mo-
dus, non dico euellere, sed ne conuellere
vnquam potest. Istud quoq; præclarā hanc
& insignem commendat consuetudinem,
quod ex tam piâ studiorum instauratione,
longè maiora Religio Christiana accipiat
incrementa. Cum enim præcipuus ac pri-
marius sit (vt doctorum virorum commu-
nis probat consensus) omnium ad Virtu-
tum & scientiarum possessionem impetu
glorioso contendendum, scopus, cultus
diuini & veræ Religionis propagatio: nullā
profecto ratione studiosa iuuentus, istum
quem in animo proposuit finem, commo-
dius assequitur, atq; dum à primis statim
adolescentiæ rudimentis, non priuatim
solum, sed etiam publicè suam in Deum &
Religionem pietatem testatam facit. Cre-
scit namq; & in dies certum accipit au-
gmentum eximius iste pietatis affectus, si-
mulq; cum ætate & eruditione optatam ac-

B.

quirit

quirit maturitatē. Igitur non solū obseruanda sed etiam debitis celebranda præconijs, tam eximia inclytæ Parentis & altricis ingeniorum Academiæ consuetudo, quod alumnos suos in solenni studiorum renouatione, non prius ad superiora Gymnasia introducat, quàm veterem rubiginem per otium, languorem, negligentiam contractā, ceu veteres exuias ad aram Præstitis nostri D. Ioannis Cantij deposuerint: atque per eius, & aliorum Sanctorum merita gloriosa suæ imbecillitati præsidium, & auxilium implorauerint. Quod ipsum vt quilibet nostrū cum maiori efficiat feruore, & studio feruentiori, conabor ostendere Almam hāc bonorū ingeniorū parētē, fidelē & constantem nobilitatis altricē Academiā, in hac publicā scientiarū inauguratione, in hac solenni ab inferiorib9 Scholis ad superiores promotione, nihil à nobis magis exposulare, quàm vt pietatē cum eruditione, eruditionem

onem cum pietate nexu arctissimo, vinculo indissolubili coniugamus. Vos modo antequam ulterius progrediar oro & obtestor florentiss. atque nobilissimi Iuvenes, ut me de rebus huic loco tempori, tum & ætati vestræ accommodatissimis verba facere conantem, humanissimis quæ vestra benignitas est, auribus prosequamini.

Neminem vestrū in hoc confluxu nobilissimo arbitror reperiri, quem ita vel temeritas, vel ignorantia, vel ut clarius dicam mentis quidam stupor & prauitas, ab honestatis officio & rectæ rationis dictamine auocet, ut pietatis Christianæ exercitium, cultumq; Dei integerrimum neget in omni statu hominum esse adhibendum, alumnis vero literarum tantò magis necessariū, quantò eorum ætas & conditio melioris indiget institutionis. Cum enim studiosi iuvenes, ut ex ipsâ nominis significatione patet euidenter, suam deductionem exinde

fortiantur, quod omne suum studium, conatum, diligentiam, virtutibus & scientiis comparandis impendant: facile quisque industrius animo potest coniecere, eos omnes non bene nomini & omini suo respondere, qui sine pietate, quæ est præstantissimum donum mortalium, insignem aliquam & eximiam comparare volunt eruditionem. Pietas siquidem est literarum fundamentum, bonæ indolis nutrimentum, norma diligentiae, magistra vitæ, radix & retinaculum virtutum, lumen ingeniorum, parens laudabilium actionum, fons omnis felicitatis, certissimum futuri profectus augmentum, & ut vno complectar verbo, amussis eruditionis expeditissima. Hæc animos hominum exornat, ingenia acuit, sensus confirmat, homines ad rerum celestium contemplationem accendit, veram de Deo opinionem in humanis mentibus producit: hæc insuper universis persuadet mortalibus, ut ita omnes
vitæ

vitaē suā disponant actiones, quasi earum
rationem singulis diebus, immo horis, ac
momentis, districto iudici sint reddituri.
Tam vtilem, tam necessariam, tam excel-
lentē virtutē, si quispiā à consortio literarum
segregaret, eius ego literas illiteratas, do-
ctrinā indoctā, insipientem sapientiam, vi-
tam quoq; ipsam inuitam, & tam virtutibus
quàm rectis moribus destitutam, semper
profiterer. Nam licet solida & constās cru-
ditio, istam propriè vendicet sibi commen-
dationem quod medicina humanæ mentis,
& lux quædam nostrorum appelletur inge-
niorum: nihilominus si huic medicinæ ve-
nenum impietatis, isti luci nebula quædam
deprauati erga Deum affectus & cultus fu-
erit adiuncta: nec remedium ex medicinâ,
nec utilitas ex luce speranda. Sicut enim na-
turale alimentum, exiguâ aconiti guttâ, ita
inficitur, vt pro salubri refectione, lugubrē
ac funestum interitum adferat sumentī:

pari modo artes & scientiæ verâ animorû
nostrorum alimēta, minimâ impietatis par-
ticulâ, ceu aconito quodam exitiali adco de
prauantur, vt pro sanitate & perfectione fu-
rorem & amentiam mentibus inducât hu-
manis. Præferunt à longè tantum impi-
etatis virus, & summû pietatis commodum
veteres sapientiæ cultores ac propagatores,
cum Mineruam scientiarum inuentricem,
non ab aliquâ Eumenide tartareâ produ-
ctam, sed è cerebro maximi & antiquissi-
mi Deorum Iouis, prognatam sunt fabulati:
eiusmodi figmento subsequenter posteri-
tatem (cui maiorem & veriorẽ pietatis lu-
cem ex præfagio mentis pollicebâtur) edo-
cere volentes, artes & scientias res esse sa-
cras ac diuinas, proptereaquẽ dignas, quæ
tum in honore pretioquẽ habeantur, tum à
pietate & Religione nullo vnquam tempore
separentur. Tamen nescio quâ temporum
iniuriâ & occulto hominum vitio cum ma-
xima

ximâ cōmunis felicitatis diminutione eue-
nit, vt ad easdem artes & scientias, dispari-
bus animis plurimi accedāt. Quidam enim
scientiarum iucunditate, & honestatis spe-
cie attracti, literas ideo comparant ingenu-
as, vt subtilitate disputandi, & vbertate di-
cendi, scribendiq; polleant : hacq; ratione,
tum præclarum nomen, tum quæstum sibi
comparent vberrimum. Quidam publicæ
honestatis atq; vtilitatis studio inflammati
illud vnicum habent propositum, vt & vir-
tutes quibus sub Sole nil dignius & præstā-
tius est, multiplici rerum cognitione, ceu
quibusdam præfidiis potentissimis muniāt,
& scientias virtutum splēdoribus mirificè
exornent. Illi auram tantummodo popula-
rem, & vanam ingenii gloriam diuersis ve-
nantur ex partibus : hi solius virtutis habita-
ratione hoc vnicum cogitāt, vt in dies ma-
iora accipiat incrementa & ornamenta. Illi
scientiarum vi ad proximi detrimētum, &
ruinam

ruinam vtuntur atq; abutuntur: hi semper
eundem portum tenent, ad eumq; singulas
dirigunt actiones. Illi omnia regna, prouin-
cias regiones, vrbes, oppida, vias, motibus
& tumultibus insanissimis cōplent: hi tur-
bas & dissensiones excitatas componunt, &
ad optatam deducunt trāquillitatem. Neq;
opus est de singulorum naturā & moribus
dicere separatim solius pietatis desertores,
vel aduersarios sufficit in memoriam reuo-
care. Equidem malè semper cum his o-
mnibus actū fuit, & in hunc vsq; diem agi-
tur, qui hanc reginam virtutum, & præci-
puum decus mortalium pietatem, à litera-
rum communione separârunt, vel illi bellū
indixerunt sempiternum. Non caruit eru-
ditione ille totius Germaniæ turbo, totius
orbis Christiani tyrannus, Martinus Luthe-
rus; at quia verā & sincerā pietate caruit,
eiusq; grauissimus, & infestissimus fuit ad-
uersarius, ideo & seipsum & sequaces suos
tantis

tantis errorum & falsarum opinionum alli-
sit scopulis, tantisq; cassibus illaqueauit, vt
ex illis in hunc vsq; diem euadere, atq; ex-
pedire se nequaquam possint. Habuit non
vulgarem rerum cognitionem insolentis-
simus Calvinus; at quia pietatem veram
non habuit, debitas suæ insolentiæ in bara-
thro luit pænas. Quâ ingenij subtilitate,
quâ perspicuitate, quâ reconditarum scien-
tiarum peritiâ præditus fuerit ille Porphi-
rius? nemo nescit; nihilominus quia soli-
dâ pietate fuit destitutus; non audax, sed
extremè proteruus, non temerarius, sed in-
sanus & vecors, planèque iniquus eruditio-
nis illius possessor, à Sanctissimis viris iudi-
catus est. Ille ore sacrilego literas sacras
contemnere, Christi & Apostolorum suc-
cessores irridere, maiestatem diuinam in-
solenti metiri cerebro, recentem illam fi-
delium congregationem & Ecclesiam im-
prudenter & impudentissimè calumni-
ari

ari ausus est perduellio. Silentio inuoluo
Julianum Apostatam acerrimū pietatis Chri
stianæ persecutorem: taceo Zuinglium: præ
tereo Melanchtonem: Berengarium, Occo
lampadium, Bezam, Carolstadium, Brenti
um, Velsium, Heshusium & alias pestes
monstraque hominum, quorum impia cru
ditio, eruditaque impietas plurimas infecit
& extremā perniciē confecit nationes.
Istud præterire nec possum nec debeo, quod
ad perfectam eruditionem, ad optatam fe-
licitatem, tam in præsentī quàm in subse-
quenti sæculo consequendam, non sit cer-
tius, nec firmitus, nec securius adiumentum;
atque est constans pietatis cum eruditione,
eruditionis cum pietate copulatio. Cum
enim natura humana primorum parentum
depressa lapsu pessum tota feratur, non fa-
cile ad verum Dei amorem, ad rerum cæ-
lestium amplexum veniremus: nisi pietas
erudita & piā eruditio contumaces & re-
fracta-

fractarios hominum affectus tanquā equos insolentes & insitā temeritate ferociter exultantes in viam virtutis deduceret aberrantes. Hæc siquidem secretis quibusdā inspirationibus clamat ad aures nostras, vt quosuis impudicos & virulentos detestentur sonos, qui sub specie iucunditatis, cor inquinare, mentem à virtutum tramite auocare possint. Hæc præcipit oculis, ne quid intueantur, quod Deum bonorum omnium offenderet autorem. Cohibet linguam, ne quid loquatur, quod rectam proximi diminueret existimationem. Retardat & remouetur palatum, ab omni alimento ad luxuriam, intemperantiam aliāq; vitia stimulante. Imperat cordi, ne quid amet ab amore Diuino remotū & alienum, immò ne præter Deum rem vllam magis amet. Hæc insuper hortatur sensus omnes & membra singula, ne quam obeant functionem, quæ diuinam prouocaret iram, contineret offensam, exposceret

posceret vindictam. Quo fit, vt iuuenēs hi-
sce rebus tempestiuē assuefacti, in reliquo
vitæ suæ cursu, Deum, eò studiosius colant,
ament feruentius, quò maiora & certiora
à verâ pietate habent incitamenta: iam ve-
rò talibus destituti stimulis, ad scientiarum
& virtutum fastigium, vel nimis præposte-
rè, vel nunquam prosperè perueniant. Atq;
inde conicere licet Audit: quid fuerit cau-
sæ; cur supremus ille rerum omnium opi-
fex & gubernator, quanquam sit idem sin-
gularis humani generis protector, idemq;
summè benignus & misericors, immò ipsa
bonitas & misericordia: multoties tamen
in teneram mortalium prolem, nec ab æta-
te, nec à ratione satis firmatam, bello, peste,
fame, varijsq; morborum generibus læuic-
rit: nimirum vt instrumentis hisce Diuinæ
suæ iustitiæ, planum faceret mortalitati,
eos in progressu vitæ nequaquam meliores
futuros, qui statim à primâ pueritiæ aurorâ
cuden-

euidētissima singularis impietatis, aliorūq;
vitiōrum dederint argumenta. Quod vt
primum Maiores nostri veræ pietatis ama-
tores feruentissimi, & promotores diligen-
tissimi, intellexerunt, inuicem se admone-
re solebant, vt prima Iuuenum ætas, hone-
stè educaretur, piè institueretur, diligentèr
informaretur: atq; vt Scholæ quæ sedes
sunt religionis, palæstræ pietatis, scientia-
rum officinæ, virtutum domicilia, semina-
ria præstantiū virorum erigerentur, fun-
darentur. Præceptoribus verò tanquam
secundis ingeniorum & virtutum parenti-
bus, cum debitus honos, tum certa iustaq;
præmia tribuerentur. Et merito. si enim
plurimi à verâ fide alieni, liberè & ingenuè
sunt professi, vitam nostram pietate & reli-
gione sustentari, hanc esse maximum legū
præsidium, certissimum sapientiæ propu-
gnaculum, perpetuum virtutum & vario-
rum bonorum fontem: quantò nobis & no-

stris maioribus viris ad pietatem natis & in
câ educatis maiori curæ esse debuit? vt
cum Scholis Religio quoq; Christiana ser-
uaretur, & ad posteros integra & illiba-
ta transmitteretur: præsertim cum innu-
merabiles quotidie de religione contentio-
nes & controuersia à sectatoribus diuerſa-
rum Religionum excitaretur: quas præter
pietatem eruditam nulla vis, nulla potentia,
nulla facundia, non rigor legû, non Principū
authoritas, non insuper vehemens armorū
tēpestas, sedare ac componere vnquā po-
tuisſet. Habet enim istam vim Diuinitus
datam eruditio pia, quod obduratas mali-
tiâ atq; temeritate hominum mentes, non
aliter quàm Orphei lyra saxa & lapides, aut
Chelys Amphionis Delphinorum rabiem
placare ac lenire possit. Nunquam profe-
ctò de Sacrosanctâ Triade, excitatæ dissen-
siones Nicæno in concilio compositæ fuis-
sent: nisi viri piâ religiosâq; doctrinâ instru-
cti ci-

Et eidem adfuissent, & præfuissent: Nun-
quam expulsis hæreticis pacatæ & trāquil-
læ Ecclesiæ sub Constantinò Magno, &
Theodosio Imperatoribus Romanis extitif-
sent: ni pietatem ipsi Principes coluissent
Religionem seriò defendissent; hacq; vnâ
Respubl. firmari, pacem comparari, crigi
trophæa, statuissent. Est siquidem vt præ-
clarè quidam dixit, belli cuneus, imperio-
rum præsidium, vrbium & regnorum pro-
pugnaculum pietas: quâ sublata humanas
quoq; vires tolli labefactariq; est necesse.
Itaq; cum priuatæ, tum cōmunis vtilitatis
gratia, pietas cum eruditione, eruditio cum
pietate, vtraq; cum rectis ac probatis mori-
bus, cæterisq; virtutibus tempestiuè est cō-
iungēda. Nam maturè prognata vitia cum
non euelluntur, in primis profundas altiùs
agunt radices, postea sensim grandescunt,
vt tandem in processu firmiter inualescāt.
Mihi quidem singula quæ proposui diligē-
tiùs

tius trutināti, præter allatas superius ratio-
nes, tanti videtur momēti pius erga Deum
affectus, vt si optio daretur inter rudē pie-
tatem, & doctam impietatem eligendi:
potius pietatem eruditione destitutā, quā
doctrinam impietatis veneno imbutā, cu-
perem & optarem. Non tantum ob istam
rationem, quod ad trāquillitatem vitæ tam
in præsentī quā in futuro sæculo conse-
quendam, plus nobis pietas quā doctrina
conferat adiuventi: sed magis idcō quod
feruentis pietatis beneficio, ipsa quoq; do-
ctrina & multiplex rerum cognitio, acqui-
ri possit ac comparari. Vt enim ob ignis vi-
cinitatem, nihil potest fieri frigidissimum;
ita homo qui per legitimum cultum & fer-
uentem charitatem Deo sapientissimo ac
prudentissimo firmiter adhæret, stultus &
insipiens euadere non potest. Etenim Deus
gloriosus ex immēsā & incredibili suā mi-
sericordiā thesauros illos abstrusos & recō-
ditos

ditos sapientiæ & scientiæ Diuinæ, omni-
bus illis promptissimè communicat, qui ad
cos recipiendos vasa idonea & capacia, mē-
tes scilicet pias, castas, veræq; fidei lumine
illustratas, maturè præparant ac disponūt:
Vt plena prudētiæ & veritatis sint illa ver-
ba Græcorum Comicorum. Numen colē-
ti cuncta Numen ministrat: tum & illa Sa-
cræ Scripturæ. Si sapientiā inuocaueris &
inclinaueris cor tuum prudentiæ, si quæsi-
ris eā sicut pecuniā & sicut thesauros effo-
deris eam, tunc intelliges timorē Domini &
scientiam Dei inuenies, quia Dominus dat
sapientiam & ex ore eius prudentia & sci-
entia. Nec est opus longam seriem addu-
cere rationum cum aperte quisq; nostrum
intelligat illa Ecclesiæ Catholicæ lumina
& columina illa stupenda profundæ Sancti-
tatis & eruditionis exemplaria, Diuum sci-
licet Augustinum Hieronymum, Ambro-
sium, Basilium, Eusebium, Bernardum,

D

Tho-

Thomam Aquinatem, Albertum Magnum,
& quem omnes secretò in animis vestris
commemoratis tutelarem & Indigetē no-
strum Dium Iohannem Cantium, aliosq; in-
numerabiles, nullā re aliā ad tam sublimem
in terris & in cælis excellentiam, aditum si-
bi præparāsse, nisi solā verā & sincerā pie-
tate. Pietas eos vt piē credimus, in vine-
ā Christi vocauit, pietas vocatis cælestiū &
humanarum rerum cognitionem impetra-
uit, sic instructis ad supremos quoluisti in
Ecclesiā Dei honores viam parauit & mō-
strauit; vbi verò officio suo functi sunt
laudatissimè, eadem pietas in Capitolium
illud cæleste, vbi Beatæ Mentis cōm Tri-
ade Sanctissimā æternū triumphant & per-
petuā fruuntur felicitate, deduxit eos fide-
lissimè. Vt præter omnem dubitationem
longè beatiore illi sint, qui candidè mode-
sti & modestè pij, quàm qui arroganter do-
cti, insolentèr potentes, importunè tumi-
di, ali-

di, alijsq; vitijs nobiles & notabiles con-
spiciuntur. Verè igitur vitæ dux, magi-
stra morum, amulsis eruditionis, parēs lau-
dabilium actionum pietas appellatur, quæ
non tantum virtutes & scientias certissi-
ma & tutissima ingeniorum alimenta,
non tantum varia fortunæ bona, sed etiam
quod magis mirandum, & feruentius desi-
derandum est, cælum ipsum & diuitias cæ-
lestes, dicam clarius, Deum ipsum, & o-
mnem eius gloriam generi conciliat huma-
no. Hic iam quilibet nostrum tacitè se
ipsum recolligat Audit: an istorum, quæ à
verâ pietate in nos vberrimè promanant be-
neficiorum memores existamus? an tam
præstantem, tam excellentem & ferè Diui-
nam virtutem, ita vt par est, colamus? adhi-
beamus? veneremur. Fuit quidē, fuit olim
istud tēpus, quo vixit hæc consuetudo satis
præclara, cum studiosi iuvenes non prius ad
libros, quàm ad preces se conferebant, nec

magis de occupationib9 Scholaſticis, quàm
de Orationibus Dominicis, aliisq; piis exer-
citiis, ne quando per incuriis omitterentur,
ſoliciti fuere. Nunc vero pudet dicere dicē-
dum eſt tamen, quis non videt: in plerisq;
ad id decreuiſſe virtutem, & creuiſſe auda-
ciam, ſingulari conditam impietate, vt eis-
tadioſum, immò etiam indecorum videat-
tur, libros in tēplo volucre precarios, vtroq;
genu flectere, ſacro Miſſæ ſacrificio cū at-
tentione, & reuerentiâ intereſſe, aliaque ho-
minis Chriſtiani officia expedire. Non de-
ſunt fortè & tales, qui pudore & timore Dei
poſtpoſito ac neglecto, corpore tantum ſo-
lent eſſe in templo præſentes, animo verò &
rectâ erga Deum volūtate penitus abſentes:
oculos quidem ſuſum attollunt, ſed mētem
& animū mittunt deorſum: ore Deum præ-
cantur, aſt corde extra Deum vagantur: vt
aliquando præſtaret eos, vel templum non
ingredi, vel ex eo egredi citiſſimè, quā de-
bita

bita pietatis Christianæ non facere argumē-
ta. Nec aliam ego arbitror rationem, cur in
tantâ lectionum varietate, tantâ fidelissimo-
rum pariterq; laboriosissimorum præcepto-
rum multitudine, tardè nimis alii proficiāt;
quamuis omni contentione in literas incū-
bunt, multosq; annos in pistrino laboris scho-
lastici operosè consumunt: præter istam,
quod veram pietatem studio literario non
adiungant. Nunquam enim temeritas cum
sapientiâ commiscetur, nec in cor impij, &
maleuoli hominis Spiritus Diuinissimus in-
greditur. Verum enimuerò, nè humanissi-
mas aures vestras, maiori quàm par est Ora-
tionis prolixitate detineam, propositum me-
um pluribus non prosequor: ad vos iam flo-
rentiss. atq; nobiliss. Iuvenes, præclara Aca-
demiæ germina, Selecti Sarmatiæ flosculi,
spes Parentum optatissima, singulares Mu-
sarum deliciæ, orationem meam conuerto.

Vos pro candore & amore meo rogatos.

D 3

pro


pro officio verò, quo in præfenti fūgor mo-
nitos eſſe volo, vt inter pietatem & eruditi-
onem nullum vnquam faciatis diuortium,
ſed vtramq; ſimul nexu coniungatis ſempi-
terno. Si enim pietas (vt iterum repetam)
vocatur anima literarum, ſi appellatur ſemi-
narium præſtantium actionum, fons omnis
felicitatis, quis per Deum tam hebeti & tar-
do eſtingenio, qui non intelligat : ſine eius
præſentiâ elumbem eſſe & vanam eruditi-
onem, actiones inglorias, vitam inuitam &
infelicem. Equidem hæ duæ virtutes Pietas
& Eruditio, videntur mihi ceu duo quidam
Cardines, quibus mundus iſte inferior Græ-
cis Microcosmos dictus, ſuſtentatur. Velut
duo luminaria, vnū maius, alterū min9, quæ
humanas mētes ignorantiaē tenebris obdu-
ctas, coniunctis viribus & vicibus illuſtrant:
Velut duo tela potentiffima, quibus in arc-
nâ mundi huius cum naturâ, fortunâ, ad-
uerſisq; animi cogitationibus quotidie de-
certa-


certamus: velut duæ catenæ, vna ferrea
Mercurij, altera aurea monistorum Domi-
toris, quæ vniuersum defendunt & guber-
nât orbē: ad extremū ceu duo quidā comi-
tes fidissimi quorū præsidio maxima quæq;
discrimina longè securius euadiūus: quæm
vlysses Scyllam & Charybdim loca maris pe-
riculosa, perplexas & anfractuosas Labyrin-
thi vias, dulces Sirenarum cantus, veneno-
sa Circes pocula aliaque mille discrimina
comite Agenoria est transgressus. Cum
igitur Optimi Iuuenes, istâ mēte in hoc Mu-
sarum Parnasso, in hoc Prytaneo Sarmatico
versimini, vt diuitias virtutum & eruditi-
onis comparetis, ad has duas virtutes Pieta-
tem & Eruditionē, quibus reliquæ omnes
officiosum exhibent famulatum, tendite,
contendite, aspirate. Hæ sunt propriæ no-
bilitatis Vestræ, hæ virtutis, indolis, ac æta-
tis. Ad studium earum mouent vos ma-
iorum vestrorum stemmata, excitant Pa-
rentum

rentum vota & desideria, propinquorum
consilia, Præceptorum preces atq; monita
saluberrima, ut scilicet præsidio istarum vir-
tutum muniti, fructus DEO gratos. Reip.
vtilis, Parentibus exoptatos, Academiae
gloriosos, Vobis salutare & proficuos
comparetis : hacque ratione glori-
am præcedentium sæculorum
vel adæquetis vel si opta-
re licet superetis.

D I X I

-283-





11-3



818864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

